

## Mossi - Tāb-biisa Sebr Sōngo - Soldiers Scriptures

### Efēez Rāmba 6:10-18

- 10 D na n kūmsa d goama woto: lebg-y neb sēn tar pānga Soaala sēegē, neb sēn wūd ne Wēnd pānga.
- 11 Rik-y Wēnnaam zab teedo n bobe, n tōog n teedg ne Sutāana.
- 12 Yāmb mens miime tū tōnd zabra ka ne ninsaalb sēn tar yīng la zūm wa tōnd ye, yaa ne bugum yir la lik kāsem-dāmba la pān-dāmba, yaa ne malegs wēns sēn saad yīngri.
- 13 Yaa rēnd yīng la y tog n bob Wēnd zab-teedo n maan y sēn tōe fāa n da kong pānga, ra-beeda wakat ye.
- 14 Yals-y yīngri, rik-y sida tū yē yī yāmb sēbdga, la pu-peelem n pil y yāoogo;
- 15 y neooda wā marsā yī y sēn yāgd n na n moon Koe-noogā ne sūur ningā.
- 16 Tall-y y tēebo, gād-y y tēeba kēnkē, wa gāongo, n ligind Sutāan pēema tū b yaa bugum pēema.
- 17 Sēn kell yaa bōe: yaa Wēnnaam gomdā tū y na n fōgen-a wa y fāagr zug peoogo, la y zāad-a wa a Vuussem Sōng svuga.
- 18 Wīng-y ne puusgo la Wēnd sēeg yōkre; puus-y wakat buud fāa ne Vuussem Sōng, sōng-y n da vuus wakat ba a ye; puus-y nin-sōma wā fāa yīnga.

### Yula 91:1-16

- 1 Ned ninga sēn paam n be roog ningā Yīngr Wēndā sēn solg b mengā, yē soab gāee Wēnd-Pāng-Soaba maasmē,
- 2 yē soab gomda ne Soaala woto: «Yāmb la m soondg zīiga, m tānsoben-doogo, yāmb la m Wēnde, yāmb la m teeg yā.»
- 3 Yaa Soaala n na n fāag-f bēdgē. Bāmb n na n fāag-f ne bāag sēn wat ne tēn-kūum.
- 4 B na n kogl-f lame, b na n yū f soondg zīiga. F na n soonda bāmba wa no-bi, b ma pīgsē. F sēn tar Wēnd nonglma yaa gāong la f zāada, yaa kut fuug la f yeelg yā.
- 5 F ka na n zoe yung yēesg ye, f ka na n zoe pīim sēn tāood wīntoog ye,
- 6 bū tēn-kūum sēn gilgd rot yungo, bū bā-longdem sēn tūud wīnto-svgs ye.
- 7 Ba neb tusr lūt f sēegē, tū tus-piig lūt f ritgo, būmb kōn maan-f ye.
- 8 Ypk f nin bala tū f na yāend Wēnd sēn sībgo sēn ka kēed-b bāmba.
- 9 N-ye, yaa Soaala la f tū soonde! La sida yīngr Wēnda sēegē la f tū f gāaga.
- 10 Būmb kōn maan-f ye, būmb kōn lūk f roogē ye.
- 11 B malegsa la b na n kō noore, tū b gū f nao kēndre.
- 12 B na n kok-f-la b nusē tū f naoor da sūs kugr ye.
- 13 F na n taba bōnyēeg la pōeere, n tag ābga la wag-bānde.

- 14 Wēnd leokd a la woto: «A sēn teeg maama yīnga, m na fāag-a, m na kogl-a t'a mi-la m yūvre.
- 15 A sā n bool-ma, m na leoke, m na zīnd ne-a, a yūra pugē, m na fāag-a la m na kō-a pēgre.
- 16 M na pids-a ne raare la yūvma, m fāagra sōor na puk a yīnga.»

### Yūla 18:1-51

- 1 Yūn-kānga bee yūla naab sebrē. A Daviid n guls-a; yūl Soaala sēn fāag-a raare ne a bēebā la a Sol menga.
- 2 A Daviid yeelame: M nong-y lame, Soaala, yāmb la m pānga.
- 3 Soaala yaa m pīga la m lilli, bāmb la m tānsoben-doog la m fāagre, bāmb la m gāongo la m fāagr zab-teoogo.
- 4 Bū Wēnd paam pēgre, tū m sēn bool-ba b waame la m tōoga m bēeba.
- 5 Kūum kolga ne a wī, n gūbg-ma, a kolga ne a ko-wiiga n na n ling-ma.
- 6 Bug-tēng kolga ne a wī n gūbg-ma, Kūum kolga ne a sugre n na n tiig-ma.
- 7 M tees n kelma Wēnd m yūra pugē, m tees n bool-b lame la b zīnda b ro-sōngē n wūm m koeega m koeega waa n lūl-la b tubrē.
- 8 Tēnga rigim dame tū tāmsa vigs b seesē tū Wēnd sūur puugame.
- 9 Ad-y bug-zōos n nuki, Wēnd sū-puurā n widg a bugum, tū b noora puusd bug-walem la bug saala.
- 10 Soaala pilga saagā n sigi sawad taok la b naoora teeg n sigi.
- 11 B looga wala b ylk n zomba weoofo, wala b laanda ne sobg pīgsa.
- 12 Likē la b zoe n tū solge lik sēn pid lik menga, sawadg sēn pid sawadgo.
- 13 Vēenem n deng taoore tū sawadga yaool n pugda, n le paas sapilem la bug pārse.
- 14 Soaala zīnda yīngri n kūms buvure, Yīngr Pāng-Soaba tāsame tū sāde, tū sapilem la bug saal na n le bare.
- 15 B sēn yāag b tāpo, pēem sēega zīig ānga, saaga sēn tāse la b svūga sēn yāg goalma.
- 16 Ad-y kuulsa koom fēbga vugri, sēn da be zugē zoe n busa tēnga, la y tāsgā n wa ne rē fāa, Soaala-Wēnde! Y tīsga n wa ne būmb fāa zūndugri.
- 17 Soaala zīnda yīngr n tūm la b waa n yaag-m-la ko-liungē.
- 18 B waa n fāag-m-la ne bēeb toose, bēeb sēn da tāag-m yīid ne pānga.
- 19 B sēn tē raar ning tū m na n konga pāngā, baraare la Soaala yik n teeg n sōng-ma.
- 20 B fāag-m lame, m paam n pōsame, b fāag-m lame tū b nong-m lame.
- 21 Soaala zā-m-la wa sēn tog ne-ma, wala m sōmblem sēn tog tēka.
- 22 M dīka Soaala sore, n pa kūs b noor ye
- 23 M tū-la b soya tū b fāa rīga m taoore, m ne-b lame la m pa kūs ba a ye reegr ye.
- 24 M pelga m puga n tū Soaala, m modg n zāaga m meng ne wēnga.
- 25 B maana ne maam wa sēn segde, wala m pu-peelma sēn tog ne.
- 26 Wēnd pugda sēn pugd-b bāmba, b pug peela ne pu-steen neda.

- 27 Sēn ka tar-a a toorē yelle, Wēnd ka rat yē soab ne yell ye. Ned sīlsda a wēnem wa baafo, tī Wēnd sīls b sīlem wa pīim.
- 28 Wēnd doogda sulg-m-meng soaba, la b sulgd sēn zēkd b mense.
- 29 Wēnd maag yāmba, m naama nan ka gūsg ye! Soaala, m Wēnnaam, vēnegda m lika.
- 30 M yīgd n gāeesda bogd ne sū-keelem, m yīgd n kanda lalse ne bāmb pānga.
- 31 Soaala sora la so-sōngo, bāmb gomd ka lūt vīvugē ye, b kogenda sēn baood-b bāmb zīiga.
- 32 Ānda la Wēnde, sā n ka tōnd Soaalā? Ānda la pīga, sā n ka tōnd Wēndā?
- 33 Bāmb n mobg-m ne b pānga, bāmb n dems m sora tūrga.
- 34 Bāmb kō-la m nao keglem wa walg rēnna, b tol n zēk-m lame n duus yīngri.
- 35 B zāmsa m nusa zab-teed zāabo, m kang rōosda kut tābdo.
- 36 Y gāong yīnga m maanda raoodo, y kō-m-la pānga, y pug-m-la ne y nonglem, y zēk-m lame n duus yīngri.
- 37 M kēnd lebga faasga la m pus n ka le mi yaams ye.
- 38 M pugd n yōgda m bēeba, m pa lēegd n wa tī b ket vīls ye.
- 39 M kūvd-b lame n gānege, b fāa ruvgda m taoore.
- 40 Soaala yīnga m boba zabr ne raoodo, bāmb yīnga m bēeba gānegda m taoore.
- 41 Ad-m nug sēn teeg b kāare, tī m kūvd-b yaare.
- 42 B tara kēlenga la ye la b fāagr na n yi? B boola Soaala la b pa leokd-b ye;
- 43 m neem-b lame tī b lebg tom tī m dīk n kō yīngr sobgo. M kāagd-b lame n lobd wa sor zug begdo.
- 44 M neba sā n mi n yik n wulumd ne-ma, yāmb n kongd n wa fāag-ma, Soaala, yāmb kōt-m-la naam bu-zēmba zugu, m sēn da ka kī ne b rāmba, yik n kēeda m soolmē.
- 45 Sāamb waa n nok-m lame. M sā yaag m noor bala b tūudame,
- 46 m sā n gome b basda raoodo b zoet n yi n basa b roto.
- 47 Soaala paam pēgre, m pīga soog barka! Wēnd ninga sēn kōt-m pānga soog naam!
- 48 Bāmb n kōt-m tī m dokd m sūuri bāmb n kōt-m naam bu-zēmba zugu.
- 49 Bāmb n sōngd-m tī b tōe m bēeba, bāmb n sōngd-m tī m maand raoodo ne m zabd-n-taase, bāmb n fāagd-m pān-tōog rāmb nusē.
- 50 Soaala, m pēgd-y-la bu-zēmba svka, m na n yūlame n kil s y yuvrā.
- 51 Dīma tōe-la a bēeba, Wēnd sōngda b sēn taag a soab naam kaama, B ket n pugd-a-la ne b nonglem, beoog sēn vēege, b ket n data a Daviid buuda ne naam, zamaan ne zamaana!